

Sarajevo, 10.03.2020. godine

Na osnovu člana 69. stav (3) Zakona o javnim nabavkama („Službeni glasnik BiH“ br. 39/14), te člana 41. Statuta preduzeća, u postupku javne nabavke br. **KZ 45/20-**„Rezervni dijelovi za opemu u laboratoriji za ispitivanje i verifikaciju vodomjera“, donosi se:

ODLUKA

o otkazivanju postupka javne nabavke

Član 1.

Otkazuje se javne nabavke broj KZ 45/20, za nabavku roba: „Rezervni dijelovi za opemu u laboratoriji za ispitivanje i verifikaciju vodomjera“, za potrebe KJKP „Vodovod i kanalizacija“ d.o.o. Sarajevo, za koji je Obavještenje o nabavci broj: 247-7-1-175-3-311/20 objavljeno na Portalu javnih nabavki dana: 20.10.2020. godine.

Član 2.

Postupak nabavke se otkazuje zbog drugih dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke u skladu sa članom 69. stav (3) Zakona o javnim nabavkama.

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web stanici: www.viksa.ba, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama i stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: KZ 45/20 od 12.10.2020. godine. Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a iznosi: 30.000,00 KM. Obavještenje o nabavci broj: 247-7-1-175-3-311/20 je objavljeno na Portalu javnih nabavki dana: 20.10.2020 godine.

Komisija za javnu nabavku je imenovana Rješenjem broj: 50/20 od 25.06.2020 godine, i dodatni članovi Komisije su imenovani dopunskim Rješenjem za promjenjive članove komisije br. KZ 45/20-1 od 12.10.2020. godine.

Za predmetnu javnu nabavku dostavljene su dvije (2) ponude ponuđača:

1. Ponuđač: „Jumo BiH“ d.o.o. Doboj Jug
2. Ponuđač: „IBEJ“ d.o.o. Sarajevo

U postupku nabavke broj KZ 45/20, Komisija je konstatovala da je prihvatljiva samo jedna ponuda zbog čega je jednoglasno dala prijedlog Ugovornom organu da za nabavku roba: „Rezervni dijelovi za opremu u laboratoriji za ispitivanje i verifikaciju vodomjera” – tender broj KZ 45/20 donese Odluku o dodjeli ugovora ponuđaču: „IBEJ“ d.o.o. Sarajevo, broj ponude: PON 20/0632 od 09.11 2020 godine, čija vrijednost ponude iznosi: 29.960,00 KM bez PDV-a.

Na osnovu preporuke Komisije donesena je Odluka o izboru najpovoljnijeg ponuđača broj KZ 45/20 od 30.12.2020. godine kojom je ugovor za predmetnu nabavku dodjeljen ponuđaču: „IBEJ“ d.o.o. Sarajevo. Odluka o izboru najpovoljnijeg ponuđača i Obavještenje o rezultatu postupka javne nabavke su (putem e-mail-a) dostavljeni svim učesnicima u postupku dana 30.12.2020. godine.

Komisija je konstatovala da je kvalifikaciona dokumentacija ponuđača: „IBEJ“ d.o.o. Sarajevo, dostavljena u sklopu ponude te da je izabrani ponuđač postupio u skladu sa tenderskom dokumentacijom i dostavio u predviđenom roku svu zahtjevanu dokumentaciju te su time ispunjeni uslovi za zaključivanje okvirnog sporazuma.

Ponuđaču „IBEJ“ d.o.o. Junuzović je dana 12.01.2021. godine (putem pošte) upućen na potpis Okvirni sporazum. Iz razloga što isti nije dostavio potpisane primjerke Okvirnog sporazuma, kontaktiran je putem e-mail-a zbog izjašnjenja u vezi dodjele ugovora a dana 24.02.2021. godine, upućen je i dopis (akt broj:131/21 od 24.02.2021 godine) u kojem je zatraženo da se ponuđač: „IBEJ“ d.o.o. Junuzović u predviđenom roku očita u vezi potpisivanja ugovora. Dana 26.02.2021 godine, putem protokola ugovornog organa br. 158/21, dostavljen je dopis ponuđača: „IBEJ“ d.o.o. Junuzović kojim se isti izjasnio da odustaje odnosno neprihvata ugovor za nabavku roba: „Rezervni dijelovi za opremu u laboratoriji za ispitivanje i verifikaciju vodomjera“, zbog čega je Komisija konstatovala da je isti odbio dodjelu ugovora.

Iz gore navedenih razloga, primjenom odredbi člana 69. stav (3) Zakona o javnim nabavkama („Službeni glasnik BiH” br. 39/14), donesena je Odluka o otkazivanju postupka nabavke broj: KZ 45/20 za nabavku roba: „Rezervni dijelovi za opremu u laboratoriji za ispitivanje i verifikaciju vodomjera”.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi BiH, putem ugovornog organa u roku od 5 (pet) dana od dana prijema ove odluke i to u pisanoj formi i u dovoljnom broju primjeraka a koji ne može biti manji od 3 (tri).

Dostaviti :
- Ponuđači
- a/a



v.d. Direktor

Aida Pendek, dipl.ing.građ.